

Stichting Musica ta cancela actividad di 9 di februari

ORANJESTAD - Fundacion Musica y Caribbean Festival den fin di siman y dialuna a sinta pa mira e posibilidadnan pa organisa un actividad special pa dia 9 di februari. Na prome instante tur cos tabata muestra di ta posibel, pero na ultimo momento e logistica rekeri a bira bisto cu no tabatin suficiente tempo pa organisa e actividad gigantesco cu Musica kier a pone. Pues lo pasa e actividad pa otro aña cu un toke internacional. E grupo grandi di musico cu ta consisti di e 20 bandanan di mas grandi na Aruba awor lo concentra riba presentacion di nan cancionnan nobo pa e temporada y pa presenta e mihor musica pa e temporada di carnaval. Presidente di e organisacion Musica na number di tur musico afilia, ta felicita e Calypso King Valentino King y e Roadmarch King Derwin Kemp y na tur participante y finalista di aña 2012. Apesar cu hopi ta pensa cu tin division entre musico, e realidad ta cu Musica ta apoya tur musico y ta respeta nan escogencia di participa na e concursonan musical di nan escogencia. Pabien pa un bon trabou musical. Ta awor e trabou mes ta cuminsa. □